

ქალაქ ბათუმის მუნიციპალიტეტის საკრებულოს

განკარგულება №

— თებერვალი, 2020 წელი

ქალაქი ბათუმი

ქალაქ ბათუმის მუნიციპალიტეტის საკუთრებაში არსებული, ქ. ბათუმში, ბარბარეს ეკლესიის
მიმდებარედ არსებული არასასოფლო-სამეურნეო დანიშნულების მიწის ნაკვეთის პირდაპირი
განკარგვის წესით იჯარით სარგებლობაში გადაცემასთან დაკავშირებით ქალაქ ბათუმის
მუნიციპალიტეტის მერისათვის თანხმობის მიცემის შესახებ

საქართველოს ორგანული კანონის „ადგილობრივი თვითმმართველობის კოდექსის“ მე-16
მუხლის მე-2 პუნქტის „ბ“ ქვეპუნქტის, 61-ე მუხლის მე-2 პუნქტისა და 122-ე მუხლის შესაბა-
მისად, ქალაქ ბათუმის მუნიციპალიტეტის საკრებულომ გადაწყვიტა:

1. ქალაქ ბათუმის მუნიციპალიტეტის მერს მიეცეს თანხმობა ქალაქ ბათუმის მუნიციპალი-
ტეტის საკუთრებაში არსებული, ქ. ბათუმში, ბარბარეს ეკლესიის მიმდებარედ არსებული
284,00 კვ.მ. არასასოფლო-სამეურნეო დანიშნულების მიწის ნაკვეთის (საკადასტრო კოდი:
N05.22.04.013) შპს „აჭარაბათუმი“-სათვის (ს.კ. 445397455) პირდაპირი განკარგვის წესით, 2025
წლის 03 აპრილამდე ვადით იჯარით სარგებლობაში გადაცემის თაობაზე.
2. წინამდებარე განკარგულების პირველ პუნქტში მითითებული უძრავი ქონების წლიური
საიჯარო ქირა განისაზღვროს 21300,00 (ოცდაერთი ათას სამასი) ლარის ოდენობით.
3. განკარგულება შეიძლება გასაჩივრდეს ბათუმის საქალაქო სასამართლოში (მის: ქ. ბა-
თუმი, ზუბალაშვილის ქ. №30) მისი კანონმდებლობით დადგენილი წესით გაცნობიდან ერთი
თვის ვადაში.
4. განკარგულება ძალაშია ხელმოწერისთანავე.

საკრებულოს თავმჯდომარე

სულიკო თებიძე

ქალაქ ბათუმის მუნიციპალიტეტის საკუთრებაში არსებული, ქ. ბათუმში, ბარბარეს ეკლესიის
მიმდებარედ არსებული არასასოფლო-სამეურნეო დანიშნულების მიწის ნაკვეთის პირდაპირი
განკარგვის წესით იჯარით სარგებლობაში გადაცემასთან დაკავშირებით ქალაქ ბათუმის
მუნიციპალიტეტის მერიისათვის თანხმობის მიცემის შესახებ
ქალაქ ბათუმის მუნიციპალიტეტის საკუთრებულოს
განკარგულების პროექტი

ა) ზოგადი ინფორმაცია პროექტის შესახებ

ა.ა) პროექტის მიღების მიზეზი და მიზანი:

ქ. ბათუმის მუნიციპალიტეტის მერიას განცხადებით (N27782/25; 30.10.2019წ.) მომართა
შპს „აჭარაბათუმი“, რომელშიც აღნიშნავს, რომ შპს „აჭარაბათუმი“-ს სარგებლობაშია ქ. ბა-
თუმის მუნიციპალიტეტის საკუთრებაში არსებული, ქ. ბათუმში, ბარბარეს ეკლესიის მიმდე-
ბარედ არსებული 300,0 კვ.მ. არასასოფლო-სამეურნეო დანიშნულების მიწის ნაკვეთი
(საკადასტრო კოდი: N05.22.04.008) და მიმდებარედ, ქ. ბათუმში, რუსთაველის, ვ. ფშავე-
ლას/ნინოშვილის ქუჩების კვეთაში მდებარე, აჭარის ავტონომიური რესპუბლიკის საკუთ-
რებაში არსებული 65,0 კვ.მ. არასასოფლო-სამეურნეო დანიშნულების მიწის ნაკვეთი
(საკადასტრო კოდი: N05.22.04.012). აღნიშნულ მიწებს შორის არსებობს დაურეგისტრი-
რებელი 284,0 კვ.მ. მიწის ნაკვეთი (სივრცე), რომელიც წინაღობას ქმნის ბიზნესის განვითა-
რებისათვის, ითხოვა მისი ქ. ბათუმის მუნიციპალიტეტის საკუთრებაში დარეგისტრირება
და სარგებლობაში გადაცემა. აღნიშნული 284,0 კვ.მ. მიწის ნაკვეთი 2019 წლის 25 დეკემბრი-
დან N05.22.04.013 საკადასტრო კოდით დარეგისტრირდა ქ. ბათუმის მუნიციპალიტეტის
საკუთრებაში.

საქართველოს მთავრობის 2014 წლის 08 დეკემბრის №669 დადგენილებით დამტკი-
ცებული „მუნიციპალიტეტის ქონების პრივატიზების, სარგებლობისა და მართვის უფლებე-
ბით გადაცემის, საპრივატიზებო საფასურის, საწყისი საპრივატიზებო საფასურის, ქირის
საფასურის, ქირის საწყისი საფასურის განსაზღვრის და ანგარიშსწორების წესები“-ს 22-ე
მუხლის მე-2 პუნქტის თანახმად, მუნიციპალიტეტის ქონების სარგებლობის უფლებით
გადაცემა ხდება აუქციონის ფორმით ან პირდაპირი განკარგვის წესით. მუნიციპალიტეტის
ქონების სარგებლობის უფლებით გადაცემის შესახებ გადაწყვეტილებას იღებს მუნიციპა-
ლიტეტის აღმასრულებელი ორგანო, მუნიციპალიტეტის საკუთრებულოს თანხმობით, ხოლო
ამავე მუხლის მე-3 პუნქტის თანახმად, მუნიციპალიტეტის ქონების სარგებლობის უფლებით
გადაცემის ვადას განსაზღვრავს მუნიციპალიტეტის აღმასრულებელი ორგანო, გარდა იმ
შემთხვევისა, როგორც მუნიციპალიტეტის ქონების პირდაპირი განკარგვის წესით სარგებლობის
უფლებით გადაცემა ხდება უსასყიდლოდ.

ხსენებული გარემოებების გათვალისწინებით, ქ. ბათუმის მუნიციპალიტეტის მერიას
მიზანშეწონილად მიაჩინა დაკამაყოფილდეს შპს „აჭარაბათუმი“-ს განცხადება და მის სარგებ-
ლობაში არსებულ მიწის ნაკვეთზე განთავსებულ კაფესთან ფუნქციურად დაკავშირებული
სივრცის გამოყენების მიზნით, პირდაპირი განკარგვის წესით, 2025 წლის 03 აპრილამდე
ვადით (N05.22.04.008 მიწის ნაკვეთზე არსებული ხელშეკრულების ვადით), იჯარით
სარგებლობაში გადაეცეს ქ. ბათუმის მუნიციპალიტეტის საკუთრებაში რეგისტრირებული,
ქ. ბათუმში, ბარბარეს ეკლესიის მიმდებარედ არსებული 284,0 კვ.მ. არასასოფლო-სამეურნეო
დანიშნულების მიწის ნაკვეთი (საკადასტრო კოდი: N05.22.04.013). მიწის საპრივატიზებო
ღირებულების (355000,0 ლარი; 5% - 17750,0 ლარი) შესახებ აუდიტის დასკვნიდან (Nბთ/მ-1;
03.02.2020წ.) გამომდინარე ობიექტის წლიური სარგებლობის საფასური განისაზღვროს
21300,00 ლარის ოდენობით.

ა.ბ) პროექტის ძირითადი არსი:

ქალაქ ბათუმის მუნიციპალიტეტის საკუთრებაში არსებული მიწის ნაკვეთის კომერციულ
საქმიანობაში გამოყენების მიზნით იჯარით სარგებლობაში გადაცემა.

ბ) პროექტის ფინანსური დასაბუთება

ბ.ა) პროექტის მიღებასთან დაკავშირებით აუცილებელი ხარჯების დაფინანსების წყარო:

პროექტის განხორციელება არ მოითხოვს დამატებით ფინანსურ ხარჯებს.

ბ.ბ) პროექტის გავლენა ბიუჯეტის საშემოსავლო და ხარჯვით ნაწილზე:

პროექტის განხორციელების შემთხვევაში, სარგებლობის ვადის განმავლობაში სარგებლობის უფლების მქონე პირის მიერ ქ. ბათუმის მუნიციპალიტეტის ბიუჯეტში სარგებლობის საფასურის სახით ყოველწლიურად განხორციელდება 21300,0 ლარის შეტანა.

გ) პროექტის შესაბამისობა უპირატესი იურიდიული ძალის მქონე ნორმატიულ აქტებთან საქართველოს ორგანული კანონი „ადგილობრივი თვითმმართველობის კოდექსი“

ე) პროექტის ავტორი:

ქ. ბათუმის მუნიციპალიტეტის მერიის ქონების მართვისა და ეკონომიკური პოლიტიკის სამსახური.

ვ) პროექტის ინიციატორი:

ქ. ბათუმის მუნიციპალიტეტის მერია.

ზ) განმარტებითი ბარათის მომზადებაზე უფლებამოსილი პირის თანამდებობა, სახელი, გვარი და ხელმოწერა:

ქ. ბათუმის მუნიციპალიტეტის
მერიის მუნიციპალური ქონების და სერვისების
მართვის სამსახურის უფროსის
მოვალეობის შემსრულებელი

დავით კოპინაძე